



ГОВЬСҮМБЭР АЙМГИЙН ИРГЭДИЙН ТӨЛӨӨЛӨГЧДИЙН ХУРЛЫН ТЭРГҮҮЛЭГЧДИЙН ТОГТООЛ

2016 оны 12 сарын 02 өдөр

Дугаар 69

Чойр

Биеийн тамир, спортыг хөгжүүлэх дэд хөтөлбөр батлах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 18 дугаар зүйлийн 18.1.2 “а”, “ж”, 25 дугаар зүйлийн 25.1, 25.4, Хөгжлийн бодлого, төлөвлөлтийн тухай хуулийн 15 дугаар зүйлийн 15.2, 15.6, Захиргааны ерөнхий хуулийн 43 дугаар зүйлийн 43.1, 43.2 дахь заалтуудыг тус тус үндэслэн ТОГТООХ нь:

1. Биеийн тамир, спортыг хөгжүүлэх дэд хөтөлбөрийг нэгдүгээр хасралтаар, хөтөлбөрийг хэрэгжүүлэх үйл ажиллагааны төлөвлөгөөг хоёрдугаар хавсралтаар тус тус баталсугай.

2. Хөтөлбөрт тусгагдсан зорилт, арга хэмжээг хэрэгжүүлэхэд шаардлагатай хөрөнгийг улсын болон орон нутгийн хөгжлийн сангийн төсөвт тусган санхүүжүүлж, аймгийн иргэдийн Төлөөлөгчдийн Хурлын Тэргүүлэгчдэд жил бүр тайлагнаж байхыг аймгийн Засаг дарга /Г.Батсуурь/-д даалгасугай.

3. Дээрх хөтөлбөр батлагдсантай холбогдуулан аймгийн Иргэдийн Төлөөлөгчдийн Хурлын Тэргүүлэгчдийн 2013 оны 11 дүгээр сарын 27-ны өдрийн 65 дугаар тогтоолыг хүчингүй болсонд тооцсугай.

ДАРГА



Г.БАТЗАМ



БИЕИЙН ТАМИР, СПОРТЫГ ХӨГЖҮҮЛЭХ ДЭД ХӨТӨЛБӨР

Нэг. Ерөнхий мэдээлэл

Говьсүмбэр аймгийн Засаг даргын 2016-2020 оны үйл ажиллагааны хөтөлбөрийг эрчимжүүлэх зорилгоор аймгийн Биеийн тамир, спортыг хөгжүүлэх дэд хөтөлбөрийг боловсрууллаа.

Өнөөгийн байдлаар манай аймагт Биеийн тамир, спортын газар, спортын мэргэжлийн холбоодын хүрээнд л биеийн тамир, спортын үйл ажиллагаа явагдаж байна.

Биеийн тамир, спортын газрын барилга нь 2004 онд хуучин хаягдал материал ашиглан чанар муутай баригдсан, даам, шатар, теннис зэрэг спортын төрлийн заал, танхим огт байхгүй, агааржуулалт байхгүй багтаамж бага, үзэгчдийн суудал маш цөөхөн байна. Мөн сагсан бөмбөг, волейбол, чөлөөт бөхийн хэрэглэл материалын хувьд хуучирсан байна.

Түүнчлэн 5-р сургууль дээр хөлбөмбөг, сагсан бөмбөгийн секц, Сансар хайрхан клуб дээр теннис, биллярдын секц, Шивээ-Овоо ХК-ын дэргэдэх "Хаялага" клубт бокс, жүдо, сагсан бөмбөг, даам, модон бөмбөгийн секц, Шатрын холбооны дэргэд шатрын дугуйлан үйл ажиллагаагаа явуулж байна. Биеийн тамир, спортын газрын мэргэжилтнүүд дасгалжуулагчийн ажлыг давхар гүйцэтгэж байгаа нь сургалт дасгалжуулалтын ажилд сөргөөр нөлөөлж байна.

Сүүлийн жилүүдэд биеийн тамир, спортыг хөгжүүлэх дэд хөтөлбөрийн хүрээнд хөрөнгө зардлыг шийдвэрлэдэг болсноор жилдээ 25-30 удаагийн бүс, улсын чанартай тэмцээнд оролцож чөлөөт бөх, жүдо бөх, үндэсний бөх, ширээний теннис, волейбол, сагсан бөмбөг, хөлбөмбөг, боксын төрөлд тогтмол медалийн төлөө өрсөлдөж, медаль хүртдэг болоод байна. Мөн усанд сэлэлт, хөнгөн атлетикийн төрлөөр 2016 онд улсын аваргын анхны медалиудаа аваад байна. Жилдээ орон нутагтаа 2-3 бүс, улсын чанартай тэмцээн зохион байгуулж, аймгаасаа төрөн гарсан алдартнуудын нэрэмжит тэмцээн, сагсан бөмбөг, волейболын лигүүдийг тогтмол зохион байгуулдаг болоод байна.

Хэдийгээр бүс, улсын хэмжээнд үзүүлэх амжилт тогтмол дээшилж байгаа ч цаашид уг амжилтаа бататгах, ганцаарчилсан төрлийн спорт ялангуяа тулааны спортын төрлүүд дээр амжилт буурсан нь эдгээрийг нэгдсэн бодлоготойгоор хөгжүүлэх шаардлага бий болгож байна.

Аймгийн хэмжээнд спортын чиглэлээр үйл ажиллагаа явуулдаг төрийн болон төрийн бус байгууллагуудын ажиллагаа сайжирсан.

Засаг даргын нэрэмжит “Спортын бага наадам”-ыг зохион байгуулдаг болсноор байгууллага, хамт олноороо спортоор хичээллэгчийн тоо эрчимтэй нэмэгдэж байгаа тул спортын төрлийг нэмэгдүүлэн тогтмол зохион байгуулбал нийтийн биеийн тамирыг дэмжсэн бодлого болох юм.

Хоёр. Хөтөлбөрийн зорилго, зорилт

2.1. Хөтөлбөрийн зорилго: Орон нутагт биеийн тамир, спортын мэргэжилтэн боловсон хүчин, тоног төхөөрөмжийн хангалтыг сайжруулан, бүс, улс, олон улс, тив, дэлхийн тэмцээн уралдаанд амжилт үзүүлэх тамирчдыг бэлтгэн гаргах, иргэдийн эрүүл чийрэг амьдрах нөхцлийг бүрдүүлж, бие бялдрын хөгжилтийн түвшинг ахиулахад хөтөлбөрийн зорилго оршино.

2.1.1. Биеийн тамир, спортын мэргэжлийн боловсон хүчний хангалтыг сайжруулж, баг, тамирчид, тэдгээрийн дасгалжуулагчид, биеийн тамир, спортын чиглэлээр үйл ажиллагаа явуулдаг төрийн болон төрийн бус байгууллага, иргэдийг бүхий л талаар дэмжин, хамтарч ажиллах

2.1.2. Биеийн тамир, спортын материаллаг баазыг нэмэгдүүлэх замаар иргэдийн биеийн тамир, спортоор хичээллэх таатай орчин нөхцөл бүрдүүлэн спортын заал, танхимын ашиглалтыг сайжруулах, эрүүл ахуйн стандарт, аюулгүй байдлыг хангах

2.1.3. Аймгийн Засаг даргын дэргэдэх шигшээ багийн үйл ажиллагааг эрчимжүүлж, оролцох тэмцээн уралдааны тоог нэмэгдүүлэн бүс, улс, олон улсын тэмцээнд оролцох, спортын өндөр ур чадвартай тамирчдыг төрүүлэн гаргах

2.1.4. Орон нутагт нийтийн биеийн тамирын арга хэмжээ, уралдаан тэмцээнийг зохион байгуулах

Гурав. Хэрэгжүүлэх үйл ажиллагаа

3.1. Биеийн тамир, спортын мэргэжлийн боловсон хүчний хангалтыг сайжруулж, баг, тамирчид, тэдгээрийн дасгалжуулагчид, биеийн тамир, спортын чиглэлээр үйл ажиллагаа явуулдаг төрийн болон төрийн бус байгууллага, иргэдтэй хамтарч ажиллах

3.1.1. Биеийн тамир, спортын арга хэмжээ, тэмцээн уралдаанд амжилттай оролцогчдыг урамшуулах

3.1.2. Биеийн тамир, спортын мэргэжлийн дасгалжуулагчид, чиглэлийн төрийн болон төрийн бус байгууллагын албан хаагчид, дэмжигчидтэй хамтран ажиллах

3.1.3. Ганцаарчилсан төрлийн спортыг эрчимтэй хөгжүүлэх

3.1.4. Аймгаасаа төрөн гарсан спортын алдартнуудын нэрэмжит тэмцээнийг зохион байгуулах

3.1.5. Өсвөр болон насанд хүрэгчдийн ангилалд лигийн тэмцээнийг зохион байгуулах

3.2. Биеийн тамир, спортын материаллаг баазыг нэмэгдүүлэх замаар иргэдийн биеийн тамир, спортоор хичээллэх таатай орчин нөхцөл бүрдүүлэн спортын заал, танхимын ашиглалтыг сайжруулах, эрүүл ахуйн стандарт, аюулгүй байдлыг хангах

3.2.1. Спортын сургалт дасгалжуулалтад ашиглах тоног төхөөрөмж, хэрэглэл материалын хангамж, хүрэлцээг сайжруулах

3.2.2. Орон сууцны хороолол, гэр хороолол, ажлын байрны орчимд биеийн тамирын талбай, чийрэгжүүлэлтийн танхим байгуулах хөдөлгөөнийг эрчимжүүлэн энэ чиглэлээр гадаад дотоодын төсөл, хөтөлбөр хэрэгжүүлэгч байгууллагуудтай хамтран ажиллах

3.3. Аймгийн Засаг даргын дэргэдэх шигшээ багийг байгуулж, оролцох тэмцээн уралдааны тоог нэмэгдүүлэн бүс, улс, олон улсын тэмцээнд оролцох спортын өндөр ур чадвартай тамирчдыг төрүүлэн гаргах

3.3.1. Өсвөрийн шигшээ багийг байгуулж, бэлтгэл сургуулалтыг эрчимжүүлэх

3.3.2. Өсвөр үе, насанд хүрэгчдийн аймгийн аварга шалгаруулах тэмцээнийг тогтмол зохион байгуулах

3.3.3. Бүс, улс, олон улсын чанартай тэмцээн уралдаанд бэлтгэн оролцох

3.3.4. Орон нутагтаа бүс, улсын чанартай тэмцээнийг тогтмол зохион байгуулах

3.3.5. Монголын бүх ард түмний спортын их наадам, Монголын үндэсний спортын их наадам, Монгол хүүхдийн спортын их наадмын анхан шатны тэмцээний орон нутагтаа зохион байгуулж бүсийн болон шигшээ тэмцээнд бэлтгэж оролцох

3.4. Орон нутагт нийтийн биеийн тамирын арга хэмжээ, уралдаан тэмцээнийг зохион байгуулах

3.4.1. Аймаг, сумдын Засаг даргын нэрэмжит “Спортын бага наадам”-ыг зохион байгуулах

3.4.2. Олон нийтийг хамарсан нийтийн биеийн тамирын арга хэмжээний тоог нэмэгдүүлж, зохион байгуулалтыг сайжруулан хамрах хүрээг өсгөх

3.4.3. Хүн амын бие бялдрын хөгжил, чийрэгжилтийн түвшин тогтоох сорилд хамрагдах иргэдийн тоог нэмэгдүүлэх

Дөрөв. Хөтөлбөрийн үр дүн, шалгуур үзүүлэлт

- Иргэдийн бие бялдар чийрэгжүүлэх 2-3 танхим, 2-3 талбайтай болсон байна.
- Ганцаарчилсан төрлөөр улсын аваргаас авах медалийн тоо 50-иас доошгүй хувиар нэмэгдсэн байна.

№	Шалгуур үзүүлэлт	Одоогийн түвшин /2015 он/	Хүрэх үзүүлэлт			
			2017 он	2018 он	2019 он	2020 он
1	Биеийн тамир, спортоор тогтмол хичээллэгчдийн тоо /хүн амын эзлэх хувь/	1460 хүн 9.6%	1600 хүн 10.8%	1800 хүн 12%	2200 хүн 15.8%	2500 хүн 15.8%
2	Хүн амын бие бялдрын хөгжил, чийрэгжилтийн түвшин тогтоох сорилд хамрагдагсдын хувь	20%	28.0%	30.0%	32.0%	33.0%
3	Долоо хоногт 2-3 удаа 30 минутаас доошгүй хугацаагаар дунд зэргийн идэвхтэй хөдөлгөөнийг тогтмол хийдэг хүний эзлэх хувь	-	23.6%	25.6%	27.0%	28.6%
4	Спортын секц дугуйлангийн тоо	15	16	17	19	20
5	Спортын салбар холбоодын тоо	15	17	18	19	19
6	Спортын секц дугуйланд хичээллэгчдийн тоо	650	700	750	800	850
7	Спортын мэргэжилтэн багш дасгалжуулагчдын тоо /БТСГ, ЕБС, Коллеж, клубууд/	15	16	17	17	18
8	Өсвөрийн шигшээ багийн спортын төрлийн тоо	8	9	10	11	11
9	Өсвөрийн шигшээ багт хичээллэгчдийн тоо /1-6 насны ангилалд/	127	130	135	150	170
10	Орон нутагт зохион байгуулах бүс, улсын чанартай тэмцээний тоо	2	4	6	8	8
11	Бүс, улсын чанартай тэмцээн уралдаанаас авах медалийн тоо	54	56	58	60	62
12	Нийтийн биеийн тамирын арга хэмжээний тоо	20	22	24	26	28

Тав. Хөтөлбөрийн хугацаа, санхүүжилт

5.1. Аймгийн Биеийн тамир, спортыг хөгжүүлэх хөтөлбөрийг 2016-2020 оны хугацаанд хэрэгжүүлнэ.

5.2. Хөтөлбөрийг хэрэгжүүлэхэд шаардагдах нийт санхүүжилт нь дараах эх үүсвэрээс бүрдэнэ. Үүнд:

5.2.1. Улсын болон орон нутгийн төсвийн хөрөнгө

5.2.2. Гадаад, дотоодын төсөл хөтөлбөрийн хөрөнгө

5.2.3. Бусад эх үүсвэр

Зургаа. Хөтөлбөрийн хяналт-шинжилгээ үнэлгээ

6.1. Аймгийн Засаг даргын Тамгын газрын Нийгмийн бодлогын хэлтэс нь хөтөлбөрийн үйл ажиллагааны чиглэл, зорилго, зорилтуудыг хэрэгжүүлэхэд удирдлагаар хангах, дүн шинжилгээ хийх, Хяналт-шинжилгээ үнэлгээ, дотоод аудитын хэлтэс нь хяналт тавих чиг үүргийг хэрэгжүүлнэ.

6.2. Хөтөлбөрийн хэрэгжилтийг аймгийн Биеийн тамир, спортын газар, сумдын Засаг даргын Тамгын газар зохион байгуулж, хагас, бүтэн жилээр үр дүнг аймгийн Засаг даргын Тамгын газарт тайлагнана.

6.3. Аймгийн Засаг дарга жил бүр хөтөлбөрийн хэрэгжилтэд хяналт-шинжилгээ үнэлгээ хийн, үр дүнг Иргэдийн Төлөөлөгчдийн хуралд тайлагнана.

Аймгийн Иргэдийн Төлөөлөгчдийн Хурлын
Тэргүүлэгчдийн 2016 оны 69 дугаар
тогтоолын 02 дугаар хавсралт



**БИЕИЙН ТАМИР, СПОРТЫГ ХӨГЖҮҮЛЭХ ДЭД ХӨТӨЛБӨРИЙГ
ХЭРЭГЖҮҮЛЭХ АРГА ХЭМЖЭЭНИЙ ТӨЛӨВЛӨГӨӨ /2017-2020/**

Д/д	Үйл ажиллагаа	№	Бүтээгдэхүүн	Хэрэгжүүлэх хугацаа	Шалгуур үзүүлэлт	Хүрэх түвшин	Санхүүжилт	Хариуцах байгууллага
1.	Биеийн тамир, спортын мэргэжлийн боловсон хүчний хангалтыг сайжруулж, баг, тамирчид, тэдгээрийн дасгалжуулагчид, биеийн тамир, спортын чиглэлээр үйл ажиллагаа явуулдаг төрийн болон төрийн бус байгууллага, иргэдтэй хамтарч ажиллах	1.	Биеийн тамир, спортын арга хэмжээ, тэмцээн уралдаанд амжилттай оролцогчдыг урамшуулах	2017-2020	-Амжилт үзүүлсэн тамирчид, дасгалжуулагчдыг тухай бүр урамшуулна.	-100 хувь урамшуулсан байна.	18.0 АОНХС	АЗДТГ, БТСГ
		2.	Биеийн тамир, спортын мэргэжлийн дасгалжуулагчид, чиглэлийн төрийн болон төрийн бус байгууллагын албан хаагчид, дэмжигчидтэй хамтран ажиллах	2017-2020	-Дэмжлэг туслалцааг тухай бүрт үзүүлсэн байна.	-	4.0 АОНХС	АЗДТГ, БТСГ, БСУГ, сумдын ЗДТГ, сургуулиуд
		3.	Ганцаарчилсан төрлийн спортыг эрчимтэй хөгжүүлэх	2017-2020	-ганцаарчилсан төрлийн спортоор авах медалийн тооны өсөлт хувиар	-50-иас доошгүй хувиар өснө.	12.0 АОНХС	БТСГ, БСУГ, сургуулиуд
		4.	Аймгаасаа төрөн гарсан спортын алдартнуудын нэрэмжит тэмцээнийг зохион байгуулахад дэмжлэг үзүүлэх	2017-2020	-Зохион байгуулсан тэмцээний тоо	-6-аас доошгүй	4.0 АОНХС	БТСГ, ТББ-ууд, иргэд

		5.	Өсвөр болон насанд хүрэгчдийн ангилалд лигийн тэмцээнийг зохион байгуулах	2017-2020	-Зохион байгуулсан тэмцээний тоо	-5-аас доошгүй	4.0 АОНХС	БТСГ, ТББ-ууд
2.	Биеийн тамир, спортын материаллаг баазыг нэмэгдүүлэх замаар иргэдийн биеийн тамир, спортоор хичээллэх таатай орчин нөхцөл бүрдүүлэн спортын заал, танхимын ашиглалтыг сайжруулах, эрүүл ахуйн стандарт, аюулгүй байдлыг хангах	6.	Спортын сургалт дасгалжуулалтад ашиглах тоног төхөөрөмж, хэрэглэл материалын хангамж, хүрэлцээг сайжруулах	2017-2020	-Тоног төхөөрөмжөөр хангагдсан спортын төрлийн тоо	3-4 төрөл	100.0 УТХО	АЗДТГ, БТСГ, Төрийн болон ТББ-ууд
		7.	Орон сууцны хороолол, гэр хороолол, ажлын байрны орчимд биеийн тамирын талбай, чийрэгжүүлэлтийн танхим байгуулах хөдөлгөөнийг эрчимжүүлэн энэ чиглэлээр гадаад дотоодын төсөл, хөтөлбөр хэрэгжүүлэгч байгууллагуудтай хамтран ажиллах	2017-2020	-Шинээр байгуулагдсан биеийн тамирын талбай, чийрэгжүүлэлтийн танхимын тоо	2-оос доошгүй	СОНХС Хувийн хэвшлийн хөрөнгө	БТСГ, Сумдын ЗДТГ, Хувийн хэвшлийн хөрөнгө
3.		8.	Өсвөрийн шигшээ багийг байгуулж, бэлтгэл сургуулалтыг эрчимжүүлэх	2017-2020	-Шигшээ багт хичээллэгчдийн тоо	-170	-	БТСГ, БСУГ, сургуулиуд, ТББ-ууд
		9.	Өсвөр үе, насанд хүрэгчдийн аймгийн аварга шалгаруулах тэмцээнийг тогтмол зохион байгуулах	2017-2020	-Жилдээ зохион байгуулах өсвөрийн аймгийн аварга шалгаруулах тэмцээний тоо – Жилдээ зохион	- 7-оос доошгүй төрлөөр -5-аас доошгүй	15.0 АОНХС	БТСГ, БСУГ, сургуулиуд, ТББ-ууд

					байгуулах насанд хүрэгчдийн аймгийн аварга шалгаруулах тэмцээний тоо	төрлөөр		
		10.	Бүс, улс, олон улсын чанартай тэмцээн уралдаанд бэлтгэн оролцох	2017-2020	-Жилээ оролцох тэмцээний тоо	-20-оос доошгүй	51.0 АОНХС	БТСГ, БСУГ, сургуулиуд, ТББ-ууд
	Аймгийн Засаг даргын дэргэдэх шигшээ багийн үйл ажиллагааг эрчимжүүлж, оролцох тэмцээн уралдааны тоог нэмэгдүүлэн бүс, улс, олон улсын тэмцээнд оролцох спортын өндөр үр чадвартай тамирчдыг төрүүлэн гаргах	11.	Орон нутагтаа бүс, улсын чанартай тэмцээнийг тогтмол зохион байгуулах	2017-2020	Аймагт зохион байгуулах тэмцээний тоо	8-аас доошгүй	25.0 АОНХС	АЗДТГ, БТСГ, БСУГ, сургуулиуд, ТББ-ууд
		12.	Монголын бүх ард түмний спортын их наадам, Үндэсний спортын их наадам, Хүүхдийн спортын их наадмын анхан шатны тэмцээний орон нутагтаа зохион байгуулж бүсийн болон шигшээ тэмцээнд бэлтгэж амжилттай оролцох	2017-2020	-Наадмуудын анхан шатны тэмцээнийг тухай бүр зохион байгуулж, бүсийн болон шигшээ тэмцээнд оролцоно.	-	20.0 АОНХС	АЗДТГ, БТСГ, БСУГ, сургуулиуд, ТББ-ууд, сумдын ЗДТГ
		13.	Орон нутагт өвлийн спортыг тусгайлан хөгжүүлэх	2017-2020	-Шинээр хөгжүүлэх спортын төрлийн тоо	-2-оос доошгүй спорт хөгжиж эхэлсэн байна.	2.0 АОНХС	БТСГ, БСУГ, сургуулиуд, ТББ-ууд, сумдын ЗДТГ
		14.	Аймаг, сумдын Засаг даргын нэрэмжит "Спортын бага наадам"-	2017-2020	-Зохион байгуулах төрлийн тоо	-7-оос доошгүй	12.0 АОНХС	АЗДТГ, БТСГ, сумдын

	хэмжээ, уралдаан тэмцээнийг зохион байгуулах замаар иргэдийн эрүүл чийрэг амьдрах нөхцлийг бүрдүүлэх		ыг зохион байгуулах замаар иргэд спортоор хичээллэх боломжийг бүрдүүлэх					ЗДТГ	
4.		15.	Олон нийтийг хамарсан нийтийн биеийн тамирын арга хэмжээний тоог нэмэгдүүлж, зохион байгуулалтыг сайжруулан хамрах хүрээг өсгөх	2017-2020	-Жилд зохион байгуулах арга хэмжээний тоо	-28-аас доошгүй	9.0 АОНХС	БТСГ, сумдын ЗДТГ	
		16.	Хүн амын бие бялдрын хөгжил, чийрэгжилтийн түвшин тогтоох сорилд хамрагдах иргэдийн тоог нэмэгдүүлэх	2017-2020	-сорилд хамрагдсан иргэдийн тоо хувиар	33 хувь	-	БТСГ, Сумдын ЗДТГ, ТББ-ууд	
Хөтөлбөрийн хүрээнд 4 жилд зарцуулах хөрөнгө								176.0 АОНХС 100.0 УТХО	